

Nthi'i chrunga kain thi dikininxin tangini xroon Ndaninga.

TÍTULO SA'U

THI DIKININXI TSANGINI XRON

CAPÍTULO NA

THI TSU'EN

THI CHRUNGA XRUEN CHIJNI JI'I.

Estado rutsje'e ku sayaku'en, sinche'e kain thi dikininxin tsu'en ngee thi tsangini xroon.


- Thi tangini yaa anto rugunda, kunixin yaa tsje runu'e chujni, tachruin kain nchrí ko xíi runu'en ko jaña jian ruxraxaun tsengijna kain ni chuu.
- Tsu suji thi nche'e kain ni bikininxin te ngai thi tangini xron, xan nchinchinchjan, nduda'a ku jana'an, nchri tjaago xron ku xi tjaago xron, kain ni te ngatja nthia yaa ko nguixin Sistemée thi tangini xroon Ndaninga.
- Ke thi tangini ji'i sigi nguixin nunthe Ndaninga, ngee kain rajna, kain chujni, ixin jaña tsu suji xra nche'ena kunixin kain thi nu'ena kainxina.
- kain ni bikininxin te ngai thi tangini ngui Ndaninga kunixin xi nchixi'in municipio ko rajna, ni yaa ni sutsje'e ko sayakuen ke tsu'en thi jitaxin ngee thi chrunga xroon ji'i.
- Sincheena ke kain chujni nchao tsangi, ko tsangi thi jían, kaina rutsje'ena ke'e icha rugunde'e chujni ngee rajna thi te ko jaña icha nchao tsangi.
- Ngee thi dikininxin tsangini xron, chru ke rutsje'ena ixin:
 - 1) Kainxi rajna ngee nunthe Ndaninga, se'e nchia tsangixi kain chujni.
 - 2) Thi tsangini ya tsinga ngee kainxi ncha'on ke techuni, ko rutsje'ena ke se'e kain thi thixi ngee ntha tsjachia.
 - 3) Kain chujni bikininxin que tsangi xroon, ko kai je'e tsjaago thi nu'e.

Nthi'i chrunga kain thi dikininxin tangini xroon Ndaninga.

CAPÍTULO YUO		
THI CHRUNGA CHIJNI JI'I.	TSU'EN XRUEN	<p>Kain chujni bikininxin tsangi xron, thi tsangi yaa tsengina ko sinche suji, sinche tsje thi nu'e, satsuan kain thi nanda ji tununxi, sinche jian chujni, icha jia se'e, jian ruxraxaon ko icha ndakua sinche'e xra ke rutse.</p> <ul style="list-style-type: none"> Kainxi chujni Ndaninga chundake tsji ku tsangi ngee kanui nchia tangini xroon tathi ruxethja nanue. Chundake jana'a ku nduda'a, rutsje'ena ixin xe'ena xan icha nchinchu ke the jni nano tsji xan sikangixan xroon ngee kanui nchia tangixini inchi jichru ley, ko kai sinche'ena, rutsje'ena ko tsengijna thi tsangixn ixin jaña icha jian sinthexan.

CAPÍTULO NII		
THI TANGINI NGEE NUNTHE NDANINGA		<p>Are ruxrajun kain thi nche'e ke tsangini yaa, tsunsuji thi sinchechjiani jian chujni, ixin jañan nchao:</p> <ol style="list-style-type: none"> 1) Icha ndakua ruxraxauni, icha jian ko ndakua tsengijna chuuni ko sinche sujini kain ngee rajna. 2) Tsjeeni kexrein ndakua tsjauni xru chujni kunixin kain thi nche'eni, thi jitununxin ku jidikuen, inchi ntha xru'i, ntha tsjachia. 3) Tsu suji thi jian chujni, thi ndakua xraxaon, thi dayaku'eni nunthe ku kain thi jichun, ixin jañan kai sinche suji kain thi thu'en ngee kain xra pa duan thi jineni, thi ditsani, ko jaña icha jian ruxraxauni kexrein chjea kain thi dachani. 4) Sinchexantheni kain thi thise'en, thi tjanua, thi nchenunthe chuni ngui ngata'a nunthe xasenthjua, ko icha na thi nchekusuena xan nchinchinchjan kunixin ni nchri. 5) Sinchechruina ku icha jian sikauchuna, sinchetsjena thi nu'ena sayaku'echuna inchi dikininxin. <ul style="list-style-type: none"> Thi tsetu'an ixin tsangini ya Estado, chundake tsu'en na ku kai: <ol style="list-style-type: none"> 1) Se'e pa kainxini: Ruchjea sin ke rutsje'e ngee kense, ko icha na sinchekangini chrita'a kain thi jii ngee rajneeni na kunixin ngui Xasenthjua.

Nthi'i chrunga kain thi dikininxin tangini xroon Ndaninga.



- 2) Ruxrangee kainxini: Tsunxante kain thi ndakua'a diko chuni, ku sinche tsje kain thi dunda, inchi xroon ku kain thi tsangixini.
- 3) Estado rutsje'e ko tsunchjea kexrein ko ke'e tsangini.
- 4) Xruin sinthe. Xruin ruxengana ngee nchia tangini.
- 5) Thi tangini yaa xruin chunda ke sikon ngee ninaa ningo thi tukuanxi.

Nthi'i chrunga kain thi dikininxin tangini xroon Ndaninga.

- Thi tangini xroon ngee nunthe Ndaninga chundake siku'en inchi jindachro nthi'i:
 - 1) Democrática: Yaa je'a ju'o thi thingaxina cha ixin kense se'e nchixin ku tsetu'an, ruchro kai kain thi jingixin kexrein dinthechuni ko kexrein icha jian tsu renthe thi nu'eni ko thi xra ke nche'eni ngui rajna.
 - 2) Nacional: Thi tangini yaa tsinxi ko tsjendue'e kain thi tangi dathuni.
 - 3) Tsu jian chujni ni.
 - 4) Sinchekingi'i juxo thi jian rugunde'e kain ni rajna.
 - 5) Sinchekangini rutsje'eni kain thi jitu'en ngata'a nunthe, thi chro ni dikangi kexrein sayaku'eni nunthe, kexrein rutseni de nunthe thi sunde'eni kutimeja sarukjan nge nunthe ina, kexrein tsangini setani thi jidithuxin tiempo, nchi sua ko nchi kin, kexrein icha tsje'a thi tangi setani, sayaku'eni kain ka, nthaa ku kuxigo jii ngata'a nunthe, kunixin kain thi jineni.
 - 6) Equitativa: sinchekingi'i ke ruxanthe thi thu'a chujni tsje chundana ko tsje na xru'in chundana, kai ixin irundachru'ana ke icha renthe ni x'ii ke ni nchrii sino kaina ye'i renthena, rutsje'e ke kain chjan setaxinx ngee nchia tangini xroon, ko tsangixan, ko tsje'exan kain nano rugunda sinthexan ngee nchia.
 - 7) Inclusiva: Ixin rutsje'e ke kain chjan ke ni'ixan kai tsangixan, se'e thi rugunde'exan si yauna ojikua tangixan.
 - 8) Intercultural: Sinche'e ke jian sikauchu ni rajna ku ngee icha rajna, tsinxina kexrein xraxaon nana na, kexrein nu'ena, kain thi nche'ena ngee rajna, kexrein nche'ena xra kunixin kain thi dikininxina.
 - 9) Integral: Ixin tsjaago thi sunda pa jian sinthechuni, sechunxi un thi sinche suji juaxraxaun, ndakua tsunu'en ku ndakua sangi ku tsunsuji chujni.
 - 10) De excelencia: Thi tangini jichunxin a ke nguchrin tsangini kain thi bikininxin.

Nthi'i chrunga kain thi dikininxin tangini xroon Ndaninga.

TÍTULO YUXI		
SISTEMEE THI TANGINI XROON NGEE NUNTHE NDANINGA		
CAPÍTULO NA		
THI JINGIXIN THI TANGINI XROON NGEE SISTEME THI TANGINI XROON NDANINGA.		<p>Ji'i di'in kain ni nche'exra ngee kain thi nchia tangini kunixin kain Institución.</p> <ul style="list-style-type: none"> Nthi'i sinthe kain ni te'e: <ol style="list-style-type: none"> 1) Xan tangi, xan xii ku xan nchrii. 2) Nchri tjaago xroon ku xi tjaago xroon. 3) Kain jana'a ku kain nduda'a. 4) Kain ni thetu'an gee nunthe'e Ndaninga. 5) Kain ni te ngee xi nchixin municipio. 6) Ni thetuan ngee nchia tangini xroon. 7) Kain institución jii nunthe Ndaninga. 8) Kain nchia icha nui thi tangini. 9) Kain xroon chrunga kekaa tsangini. 10) Kain thi jii ngee nchia tangini, xitaun, nthanchaon, nki, xui, jinda ko icha. 11) Kain ni te consejo kunixin comité.

Capítulo yuo		
KEKAA TANGIXI XROON.	NCHIA CHJAN	<p>Dikunchjian kunixin thi tangini Inicial, preescolar, primaria ku secundaria, na naa ji'i xeraxin:</p> <ol style="list-style-type: none"> 1) Inicial tsji xan sikangixan ku ia na sachre'axan, ngeunchandu'axan. 2) Preescolar kainxina, ni chjaga'an kunixin ni rajna nchinchinchjan. 3) Primaria kainxina, ni chjaga'an kunixin ni rajna nchinchinchjan. 4) Secundaria, thi kainxina, técnica, thi rajna nchinchinchjan kunixin thi de tsje rajna. 5) Secundaria tangi ni nche'e xra. 6) Telesecundaria.

Nthi'i chrunga kain thi dikininxin tangini xroon Ndaninga.

SECCIÓN I	
TANGIXAN INICIAL	Ji'i thengina xan nchinchinchjan ich nchinch de n'ii nano, nche sujixan juaxraxaun, thi thunu'exan ku kexrein datsuaxan ni icha.
SECCIÓN II	
TANGIXAN PREESCOLAR	<p>Nthi'i nchao sixi'in xan nchinchinchjan chunda ni nano, ko jain jichunxin:</p> <ol style="list-style-type: none"> 1) Thi icha renthe yaa xan nchinchinchjan, xichjan ku nchinchinchjan, ngee kain thi tangini. 2) Sincheangi thi jingixin xraxaunxan, thi rucha xan, ku kexrein tageexan icha na kunixin kexrein nichjajan. 3) Tsusuji kexrein tangina ndakua runichjajan, sithikaunxa, sinche'exan xra ngee ikanxixan, ko tsangixa rua sinche'exan. 4) Tsunsuji thi ruxraxaunxa kexrein sinchechjiaxan thi nchexruxi'ixan, rutsuntauxan, thi xraxaunxan ku tunu'exan, ku kain thi jii ngee rajna yaa tsu un'exan. 5) Tsexinxin sinche'exan xra ke sayaku'exan kain thi ji, kain thi jichon ke jindajixan. 6) Tsexinxi tsusuji thi tunuexan, thi rugunda sinche'exan, kexrein tsengijnaxan ni icha, sinauxan nindu'axan kunixin ni rajna, ku kai ni ngui Xasenthjua. 7) Tsexinxin tsangixan thee ni chaxra.
SECCIÓN III	
TANGIXAN PRIMARIA	<p>Ngee nchia ji'i xan nchinch tsangixan kain thi ruchro techuni, satsuaxan kense je'exan, ku kense kain ni chujni jii ngee nchia nduaxan, ngee nchia tangixixan kunixin ngee ni rajna. Tsu suji kain thi nche'exan pa sayaku'exan jeuxan, thi jidangixan, thi tsuntauxan, sayeexan thi runu'exan a sayaku'exan nunthe ke jindajixan ku kai thi dikininxixan ixin xra nchiixan. Jaña kai tsu chruinge'e tsangixan ruxraxaun sanchangixan, rutsje'exan thi chru ciencia ku sinauxan nguchrin tsangixan ku sinche'exan na jian xra, rutsje'e ninduaxan, rajnexan ku kain chujni ke jingagexan.</p>

SECCIÓN IV

Nthi'i chrunga kain thi dikininxin tangini xroon Ndaninga.

TANGIXAN SECUNDARÍA

Ngee nchia ji'i, tsusuji kain thi ruchro rucha na chjan, ngee thi xraxauxan na ku tu'enxan, ixin kainxi thi tangixan ku sinche'exan are tsjeexan na xra, kabixon tsangixan rutsje'exan ku ruxraxaun ku tachrjuin, ku jaña thinga tsutsje thi un'exan, ku jaña tachruin tsangi ku sinche'e kainxi chujni.

CAPÍTULO III

TANGIXAN SUPERIOR

MEDIA

Dikininxin thi tangi chjan xroon nanu the yuo ku the na'un kain thi tangi chjan xra sinchekue'exan kain thi ngee bachillerato, inchi icha ye'eye xan, ji'i dayee kain xan u jue'e thi kanui nchia sa'u tangini xroon.

- Ku ji'i dikininxin ja'in:

- 1) Tsusuji kain thi rugunda runuexan ye'eye ku jaña icha tsje tsangixan ku satsuaxan thi jichro ciencia, kain ntha tsjachia, ku thi icha jii ngee nchia icha nui.
- 2) Xra satsjixan sikangina ngee na nchia icha nui na, ko kai nchao u ritsexan na xra sinche'exan.
- 3) Yau ku yau tsangixan ruxraxaunxa ko jaña ndakua sinche'exan ku sithikaunxan kain thi rugunda.
- 4) Tsjeexan kexrein jeuxan tsangixan.
- 5) Tsu suji thi dikininxin kense nana xan ngee nunthe Ndaninga ku Xasenthjua, kunixin kain thi tu'en ngandajixan, ngee rajna, ku kainxi ji'i tsu'en ku sinchesujini thi nu'e ku nche'e chujni.
- 6) Tsukue'en ku tsangixan, ixin u tsexinxixan satsuaxan kain xra duanxi ku tunchjianxi kain thi ugunde'e chujni.
- 7) Icha jian tsangixan runichjaxan thee ni chaxra.G

Nthi'i chrunga kain thi dikininxin tangini xroon Ndaninga.

CAPÍTULO NUU		
THI SUPERIOR	TANGIXAN	<p>Jingixin nchia universidad, thi licenciatura, na maestría ku kai doctorado.</p> <ul style="list-style-type: none"> Ni thetuan thi tangini xroon ngee Ndaninga, sanchiena ni Xasenthua ixi nada ku ndandau y xru'i ruxengana thi tsangini ngee nchia ji'i. ku icha sa'u sayeeni rajna chjaga'an kunixin kain ni icha nuan. Jaña tsu'en ixin nguixin nunthe Xasenthjua ruchunda je'e nchia tangixini ji'i.

CAPÍTULO NA'UN		
SINCHEKINGI'INI	THI RUCHREE NGE CIENCIA, THI NCHE'E CHUJNI KUNIXIN KAIN NTHA TSJACHIA.	<p>Xraxauna ke kain chujni bikininxin sayee kain thi xrajun ngee nchia tangixini, thi chru ciencia, kain ntha tsjachia, kain thi ruchru techuni, ku thi xrague ku nche'e chujni.</p> <ul style="list-style-type: none"> Ji'i tsusuji kunixin kain ntha tsjachia ncheginga thi nichjani ku nu'eni, ji'i tsangixini.

CAPÍTULO INKJAUN		
THI NCHIA TANGIXAN CHJAGA'AN.		<p>Ngee nunthe Ndaninga, sinche renthena thi dikininxin tsangini xroon, thi chunxi ku nche'e kain chujni, kain thi nichjana, kain rajna chjaga'an, ni thie, ni chrikua, ni nche'e xra.</p> <ul style="list-style-type: none"> Kain thi sinche'e ni tetaunthi'a, chundake rugunda pa sinchesuji kain thi nuè, thi tsangi, thi nche'e, kexrein dayaku'en ku nchegangi kun he tsje thi un'e ku thi nichja, ko kai thi thentaxinxi ngigue'e. Mexinxin kain tha nichjani nunthe Ndaninga sunda runichjexi chuni, tsngixini ku kai yaa thi tsjagueni kain thi un'e ni rajna. Thi tangini chjaga'an, chundake rutsje'e thi rugunde'e kain rajna nichjana na tha chjaga'an, thi rugunde'e kain ni thie, jaña inchi je'ena thinxina; ko kai rugunda sayaku'ena ku tsenchji'ana kain thi renthe jii ngee kain rajna nunthe Ndaninga. Ni tethu'an ngee nunthe Ndaninga, sa'u sanchangina tachruin ku jian, are ruxraxauna tsunchjian na xra dikininxin tha ngigue'e kain rajna, ni rajna thie, ji'i tsu'en are xraxauna ku sincherentheni thi xraxaun ku nu'en chujni rajna. Ngee thi tangini chjagaan, kain ni tetaunthi'a, rugunda sinche'ena ji'i: <ol style="list-style-type: none"> 1) Tsusuji kain nchia tangini chjaga'an, thi nchia dayeena kainxi chjan, kunixi thi nchao dithu'exan ku jinexan ixin kjin tixixan. Ku icha renthe rutsje'ena ke se'e

Nthi'i chrunga kain thi dikininxin tangini xroon Ndaninga.

thari'u ku kain thi dunda inchi xitaun, nthanchaun, ntha tsjachia, xru'i ku jinda.

- 2) Tsunchjian xroon tsangixini ke ruchundaxrun kain thi nu'en ni rajna chjaga'an ku ni thie, tsu suji ku tsu renthe kexrein nche'ena xra, kexrein nichjana, kexrein nchekue'en chuna kain thi nu'ena ku nchechjana kain thi dunde'ena.
- 3) Tsunchjian, tsutsje ku tsunajai, ruchjea ku sunda kain xron nichja kain tha jii ngee nunthe Ndaninga.
- 4) Tsusuji kain nchia tangixin ni nchekue'en chjan, sikjaguna ngee rajna nichja xraje'u tha nichja je'ena, ku kai tsu suji kain programa ke nche renthe thi tetangi ni tjaago xroon.
- 5) Ni tetaunthia tsi'ina ku tsentaxina thi ruchru ni rajna ku thi xraxauna kexrein tsangi chjan ngee programa, setaxin kain thi nu'ena ku yaa thi tsengijna icha nchau tsangixan ixin thi nche'ena ncha'un ku ncha'un.
- 6) Tsjeeni kexrein tsu'en ixin kain xan tangixroon, setaxin xan, tsangixan ku tsje'exan ngee kain thi rugunda satsuaxan ke nu'en ni rajnexan ku ni icha rajna.
- 7) Kain ni tetaunthia, rutsje'ena ku tsauna kexrein tsu'en ixin ruxiree tsje nthia nchao tsji xan rajna chjaga'an sikangixan ngee ikanxi nunthe kjin, ixin jaña tsu suji thi kaini xra ju'u rentheni ku renthe kain thi nu'eni.

CAPÍTULO YAATU

THI TANGINI DUANI JIAN CHUJNI.

Sinchekingiini kexrein ruxraxauxan ku sinche'exan ixin sinche sujixan kainxi thi nu'exan ku jaña tsangixan sinche'exan thi ruxraxaunxa tsunuexan tsunchjian jia chujni ngee rajna ku thi jindajixan, ku kai tsangixan tsjendue'exan kain thi tangi tu'en kunixin kain thi nuexan ku jaña icha tsu suji thi dikangixan ku sinche'exan ngee rajna ku kain thi thuen pa duan ku tunchjian kain thi rugunda.

- Kai secretaria sinchechjian ku tsengijna pa thi rugunda ixin tsusuji thi xraxaon ku thunu'en ku kai ruchru thi tengaxin ku tsje.

CAPÍTULO JNI

THI TANGINI IXIN KAINI RENTHENI.

Ji'i ruchru ixin ruxre'e ku satsuan kexrein tsu'en ixin kain thi tangi dathu nchi xan nchinchinchjan, are chru'a tangixan, rugunda ke nchao

Nthi'i chrunga kain thi dikininxin tangini xroon Ndaninga.

tsengijnana xan, ke xru'in kense sinchekusuexan, xruin kense sinchenunthexan, ko kain xan tsje'exan kain nano thi dikininxin tsangixan.

- Thi kainxi tsangini xroon jichunxi kainxi thi nu'eni ku jaña nchau tsani kainxi thi dikuni, tunu'eni, nu'eni ku nchesujini are tangi kainxini xroon.
- Nchia tangixin chjan xroon chundake tsjagoni jian nu'e ku tsengijnakua chu icha ni jian nu'en.
- Nthi'i chrunga kexrein sinchekue'eni xron kainxi chjan, ji'i ixin tsenginaxini kainxi thi xan nchekusuena ku nchenunthexan, xan yao tangi, xan nua ku xan daka'a thinxi.

- Mexinxi secretaria tsjee:

- 1) Ke tsje ku jian tsangixan, ke thi tsangixan tsengijnaxan satsuanxa kain thi ruchro suan xan jian chujni, kain thi dikininxin, ku jaña tachruin tsunu'exan ko sinauxan ni icha.
- 2) Sincheangi ku sayaku'en kain thi nchechjiaxan, tsu sujixan thi xraxaunxa.
- 3) Thengijnaxan sinche'exan xra ku tsangixan kain thi dikininxin xroon ngee kain nchia rugunda tsangixan.
- 4) Tsunchjian thi rugunda ixin kain chujni sithue'ana nduja ku chru'a sixi'ina nchia tangini, je'o ixin jee xraxauni, jee nchekuanxini, jee nunthe'eni, ixin nchrii o xii, jaña kai ixin ke'e nchexruxi'in, ke'e rugunde'e pa tsangi.
- 5) Tsunchjian ku ruxendue'e thi rugunda tsangixini, ke tsu ye'i thi nchexruxi'ini, ku jaña icha nchao rutseni thi tangini.
- 6) Ruchjeni kain chjan kunixin chujni te ni'i kainxi thi rugunde'ena, ni diku'an, ni thi'an, ni cru'a thji, ni chu'a nichja ku icha thi tangi tu'ena. Ixin je'ena rugunda tsangina tsageena icha chujni, ku kai jian sinthechuna, kun chao sinche'ena xra.

- Chunda ke kain thi xan chru'a daka tangi, xan thinxi'an, xan nchexruxi'an tangi, sayeexan thi dikininxin ku jaña nchao tsangixan.
- Xra jitaxin ixin kexrein tsangi kain thi xan chru'a tangi ya, secretaria sake'e kain thi rugunda ku jaña unchau tsangi kainxan, mexinxi ji'i thi sinche'e:

Nthi'i chrunga kain thi dikininxin tangini xroon Ndaninga.

- 1) Saju thi tsangi xan especial, kunixin kain thi rugunda, de thi ruchru je'exan, nindu'axan, ni taago xroon, ku kain thi ke'e chin chundaxan, ku jaña tsu'en thi dikininxin kain xan rugunde'e.
 - 2) Saju kain xroon rugunda sixinxixan ni'i ngee nchia tangini ku jaña sithueaxan nduja ku itsangi'axan, sino xra nchao tsjixan kain nchaon ngee nchia tangini.
 - 3) Ruxraju thi tangixan especial, ko jaña tsengijnana thi xan ni'in na, ko thi xan chru'a tangi, ku kai thi xan anto jikua tangi, ngee kanui nchia thi chundake sikangini.
 - 4) Tsunchjia na thi setaxin ke'e rugunda satsuanxini thi sunda pa ruxanthexin thi chru'a tangini.
 - 5) Tsu'en ke kain ni nchekue'en chjan tsangina ku jaña tsengijnana sinchue ke'e thi chru'an tangixixan ko tsengijnana xan pa unchau tsangixan.
 - 6) Tsu'en ku ruxrajun kain thi sunda tsangixin xan teni'in, ixin jaña nchao sechuxan ko jian tsangixan, ku unchao sigeexan kain icha chujni nche'exra.
 - 7) Tsu'en ku singi'i kain thi xraxaon ku chijni tsengijna xan teni'in ixin icha nchao tsangixan xroon ku jaña tsu'en kainxi ngee ni nchekue'echjan xroon.
- Secretaria tsjee kexrein sinche'e saju thi tsukue'en xan ni'in, ta thi tsixi'in, mexinxin tsuen ji'i:
 - 1) Secretaria saju sistema Braille tsangixin xan diku'an, ku icha thi rugunda ixin jaña ica nchao ruxraguexan xroon, kabixun nchao se'e na chujni thi tsjaguexan chruin.
 - 2) Kai saju ku rurua'an chujni tsangi ku tsjaago kexrein tangixan xroon kunixin seña mexicana. Kain ji'i tsu'en ixin tsangixan thenajni thi xan thi'an.
 - 3) Secretaria rutsje'e kexrein icha nchau tsangi xroon xan diku'an, xan thi'an jaña inchi rugunde'exan ixin jaña tsangixan ku sinche'exan xra ngai icha chujni jindajinxan.
 - 4) Kai rutsje'e kexrein sinche'e ixin sinchekue'en kainxi chujni ni'i ku thu tangi dathuna ngee nchia tangixina xroon.
 - 5) Kai saju ngee xan anto jikua tangi xroon thi rugunde'exan ku nchexruxi'ixan.
 - 6) Kai saju ku rurua'an thi nthu xru'i tsjixi thi xan jaña rugunde'e.

Nthi'i chrunga kain thi dikininxin tangini xroon Ndaninga.

- Ngee Sistemee thi tangini xroon Ndaninga, sinche'e ku sithikaun thi chrunga ngee xroon ji'i, ku thi xroon jitaxin kain thi tsu'en ixin ni ni'in, ko xruen rajna Xasenthjua ke chrunga kexrein tsu'en ku ruxanthe thi nche jee kun che nunthe xan ni'i ku xan nua.

CAPÍTULO NAA

THI RUGUNDA RUNU'E KAIN CHUJINI DICHA.

Nchia bikininxin tsjago xron sinchendusien thi rugunda ku rundachru kexrein siku'en thi tsangi kain chujni dicha, kesa ku kexrein tsangina nge rajna, kunixin xra techundana ku kain thi nche'ena nge rajna; nchau tsjina kainxin nchaun xan chjan ku kai je'u sayena xron ku nge nchuandu'ena je'una tsjendue'ena thi jitaxi, ixi je'ena kainxin ncha'u tangina ku jaña ndue ku renki nchau sinthechuna, jian sinthena ku sayaku'ena kain thi duan ngata'a nunthe ji'i.

- Thi Nchia tsjago xron tsengijna kain chujni ixin jaña kaina senu'ena xron ku kai ni xra nue'an kai tsangina ni nchau tsji ku ni nge nchiandu'a tsangixin rugunda ke kainxin na jian ruxraxauna ku jian sintena ku jaña icha jian tsengijna chuna nge rajna thi the tsje chujni kunixi thi tsangina nge nchia tsjagu xron ku kain thi saju Estado sikuenxin ji'i.
- Tsangina xron ni techunda thena'un nanu ku kain ni dikji'a dikangi xron; rugunda sayee chuna kainxin na tsangina thi tjaguna nge nchia icha nui.

TÍTULO NI JA'IN TSANGINA

CAPÍTULO NA

THI TSJENDUE'E KU SIKU'EN NGUI TSANGINA KU KAINXIN THI RUGUNDE'ENA TSANGIXINA.

Rugunda sikuna kain thi rente ngui tsangina are ruruena thie nchia tjagu xron bikininxin ixin jaña jian sinthechuna, jaña kai kain thi xron rugunda tsangina ngui ngatja nthi'a nge nchia tangini xron ku nge rajna ku kai ni tsagu xron jian senu'ena ku jian tsguna.

Thi tsjendue'e kain thi bikininxin:

- 1) Rugunda jian xruuxauni kain thi chjini diki ku rukjini.
- 2) Tsinxini thi jitaxi nge xron, are runichjani ku are rukjini.

Nthi'i chrunga kain thi dikininxin tangini xroon Ndaninga.

- 3) Sunde'eni nthatsjachia tsangixini.
- 4) Tsangini kainxin thi anto jian di jachre ku nu'e chujni.
- 5) Jian juaxraxaun sintechunxin chujni, thi xraxauna, kexrein juina, ku sinauchuna.
- 6) Tsiin ansena ku thi jian xraxauna ku jaña jian tsangina kunixin thi unu'ena, thi tedathuna, thi rugunde'ena ku kexrein tangina.
- 7) Rugunda kai tsingini, rutsuntaunxini thulu, ruchunxini ku sinchechjiani kain thi chruin dikuni ku kain thi jian nche'eni, jian siche'ena ku sayaku'e chu kainxin chujni.

- Thinga sikuna kexrain tetangi chujni, keka dikangi, thi nuén, ku thi kuén nche'e, ku kain thi jitaxi nge xron danchia nchia tjagu xron bikininxin tsangi kain chujni.

CAPÍTULO YUO

THI BIKININXIN TSANGI CHUJNI JITAXIN NGE XRON

Jian siku'en ku yau yau tsangi chujni nge nchia tangi chjan nchinchin, nchia tangi chjan icha yeye ku nchia tangi chjan ndasua ku kai nchia icha nui dikangi chujni na xra jian kunixin ni tjagu xron, ni nchekue'en chjan, rugunda rutsjena kain thi jian jichu ngata'a nunthe, kain thi binu'e ni resa'o tsanginxini ku rugunda senu'eni ixin ya tsengijnani ngata'a nunthe ji'i kain thi rente jichunxin chujni, juaxraxaun, juanche'e, juadithjaña.

- Are chujni tangi xron ku jiruee na thi'a jian inchi jichru xron bikininxin tsangi chujni, inchi je'e chjni juinau ku xru'i kense kunxinka, are me tanchrui tsangi ku ndakua sinche'e, tachrui sechuna ku sithikaun chuna, je'ena kunixin xi tjagu xron, tsengijna chuni kainxinkuani, ndakua runichje chuni kainxin ni nge thi tangi ni xron.
- Secretaría nchau sanchia nge ni chujni thetu'an nge rajna Xasenthjua tsengijna chuna nge xron bikininxin kexrein tsangi chujni ixin antu rugunda tsangini kain thi diku'en nge rajna ku nge xra nche'e chujni.
- Thi ruchruna Secretaría setaxin nge xron bikininxin tsangi chujni kunixin tha nichjani techun nge rajna Xasenthjua, antu renthe sayakueni kain tha jichun nge nuntheana, sayaku'ena ku sinauna ni chujniana ku ni chunji thie juixi tuenxin ndachaun.

Nthi'i chrunga kain thi dikininxin tangini xroon Ndaninga.

CAPÍTULO NI	
THATSJACHIA RUGUNDA TSANGIXINI, RUNICHJEXIN CHUNI KU TSANGINI THI BIKININXIN NGE CHIA TJAGU XRON.	Sunde'eni nthatsjachia tsangixini, runichjexi chuni ixi jaña jui nchau jai athu rugunda runu'eni tsjauni nthatsjachia ku sunde'eni kainxin xra dixragu ku kai jai nhtatsjachia nchegundana ixi jaña diji kain thi xraguena maski kjin tena, kai nchau tsangina ngusinenxi nge nthatsjachia ku ngusinenxin na tsjina nge nchia tangini xron, ku jaña kain chujni runu'en xron.

CAPÍTULO NUU	
XRON JICHRUNGA KEXREIN SINCHÉ'E CHUJNI, KEXREIN SIKU'EN, IXIN RUGUNDA TSANGI CHJAN XRON KU KAI NI YEYE NGE NCHIA ICHA NUI.	Secretaría ruchrunga nge xron ixin kexrei siku'en, keka sinche'e chujni nche'e xran nge nchia tangi chjan xron kunixin nchia icha nui nge thi tangi ni yeye, xron ya tsetu'an ku tsengijna chujni nge xra mexinxin jaña icha jian sinche'ena xra kainxina ni the nge nchia tangini xron ixin jaña icha tsengijnaxin chu ni te nge rajna chjaga'an te ngata'a nuthe Ndaninga.

CAPÍTULO NA'UN	
XRON JITAXIN KEKA NCHA'UN TSANGINI	<p>Ni chujni thetu'an nge chia tangini xron nge rajna xasenthjua tsentaxina nge xron keka ncha'un tsangini nga nanu ni chjan ku kai ni yeye.</p> <ul style="list-style-type: none">• Thi diki dathuxin ncha'un sinchegundani nge thi ruxrague ni tangi xron ku jaña icha jian tsangina ku kai ni tsjagu xron jian sinche'ena ixin rugunda sinthechun chujni jian runu'en ku jian sinche'e.

CAPÍTULO INKJAUN	
ANTO RUGUNDA IXI NDUDA'A, JANA'A, KU NI DENDAXIN CHJAN KAI TSENGIJNA XE'ENA KUIXI NTHIA ARE TETANGIXAN.	Kain Jana'a, nduda'a ku ni dendaxin chjan anto rugunda tsengijna xe'ena tsangixan, sithikauxan tsji xan nge nchia tangini xron kain xan xra nchexethja'a thejni nanu, rutsje'ena a nchau thethjixan, a nchau tetangixan, a ndakua tenche'exan chundake rutsje'ena xan ngui tedangixan.

Nthi'i chrunga kain thi dikininxin tangini xroon Ndaninga.

CAPÍTULO YATU	
IKANXIN THI RUGUNDA ARE TANGI CHUJNI XRON	Kai rugunda tsangi chujni kexrei sinche'e xra, chundake runu'ena jian ku jian sinche'ena, ixin jaña icha jian xra santsjena nge kexe'u xra. Anto rugunda kai rutsje'ena ixi thi ni chujni ditje'en na raa, na ruthe, je'e ni me kai rente tsangina sinche'ena xran.

TÍTULO NUNXI NI TSANGI XRON	
CAPÍTULO NA	
ICHA RENTHE CHUJNI NGE NCHIA TANGINI XRON JI THETU'AN NGE RAJNA NDANINGA.	<p>Thi tangini xron jidiku'en nge rajna ndaninga, icha rente chjan nchinch, nchjan icha yeye ku xan ndasua ixi anto rente tsangixan xron. Mexinxin Secretaría ndachru ku jinche'e xra nge xron ixi jian política pública sachrje ku jian sikuen nge kainxin nchia tanginx chjan xron ixin jaña jinthetu'an nge xron jita'a kudantse nge rajna Xasenthjua.</p> <ul style="list-style-type: none"> Kainxin chjan rugunde'e xan: <ol style="list-style-type: none"> Anto jian tsangixan xron Sayaku'eni kain chjan, jian sinthexan ku jian sinthegangixan Situ'en chjan jian kainxin thi rugunda Je'exan tsjexan kexe'e nthia ruruxan, ndakua ruxraxaun ku ndakua sinche'e. Sayexan jian juajna ku jaña nchau tsinche'exan kexe'e xra sinche'e xan. Rugunda se'e na ni tjagu xron tsengijna xan tsangi xan kainxin thi rugunde'e xan. Sinche'e xan xra rugunda nge nchia tangi xan xron ku kai xra diku'en nge rajna jii nchia tangixan. Sayexan chaun tsengijnaxin xan tsangixan Sigee xan nge ni chujni nche'e xran thengijnaxin na nchia tanginxixan xron.

CAPÍTULO YUU	
NGE NCHIA TANGIXINI XRON TSANGINI ICHA JIAN SINENI IXI RUGUNDA JIAN SINTECHUNI	<p>Secretaría, senda kain thi siku'en ku ruchruna nge ni thetu'an nge rajna Xasenthjua ixin thi jine ku di'i chjan nge kain nchia tangixini xron</p> <ul style="list-style-type: none"> Secretaría sinche'e xran ku rutsje'e kexrein tunchjian thi jine chjan nge nchia tangixan xron ixin rugunda jian sinexan ku jian si'ixan.

Nthi'i chrunga kain thi dikininxin tangini xroon Ndaninga.

CAPÍTULO NI		
SAYAKU'EN CHUNI, NDAKUA RUNICHJE CHUNI KU TSETU'ANI		<p>Are tsangi chjan nchinchin, xan chunda'a thejni nanu, Secretaría, rundachru kexrain tsangixan, kexrein sayaku'eni xan ku jian sinthegangi xan.</p> <ul style="list-style-type: none"> Ni thetu'an nge nchia tangini xron rutsje'ena tsetu'an chjan, ndakua sithikaun chuxan ku tsengijna chuxan tachjuin, tsengijna chuna kaina, nduda'a, jana'an, ni thjagu xron, ku kain ni tenche'en xran, ku suan jie are tsetu xan ngaxi'in chia tangi xan xron.

TÍTULO NAUNXIN		
SITHIKAUNI KU SAYAKU'ENI NI TJAGU XRON		
CAPÍTULO NA		
RUGUNDA NI TJAGU XRON NGE NCHIA TANGINI XRON		<p>Antu tsje xran jiduan nge nchia tangini xron, nge rajna Ndaninga ixin rugunda sithikauni ku sayaku'eni chujni nchekue'e chjan:</p> <ol style="list-style-type: none"> 1) Rugunda sinthe ni sinchekue'e chjan 2) Rugunda sikangina ikanxin xron jidachrje jai ku icha jian sinche'ena xra 3) Sithikauni ku sayaku'eni kainxin ni tjague chjan 4) Ni tjague chjan antu tsje nu'ena 5) Antu rente thi tjaguena chjan nchinchin 6) Sikangina icha ku icha jian xran sinche'ena 7) Tsengijna chuna 8) Sachana jian ixi renthe xra tenche'ena 9) Sayaku'echuna

CAPÍTULO YUU	
ARE SAYEE NA XRA, KU ARE BIKININXINA INA XRA ICHA JIAN NGE NCHIA TANGI CHJAN NCHINCHI XRON KU NCHIA TANGI NI YEYE	<p>Kain ni rinau tsjagu xron, sithikauna kain thi jitaxin nge Ley General nge Sistema bikininxin kain ni tjagu xron.</p> <ul style="list-style-type: none"> Ni tjagu xron nichja na tha ku dikje'ana dikangina xron, rugunda setaxina nge nchia tangini xron ku rugunda ruchruna ni un'e ixi jaa nichjana tha chjaga'an ku kai tha nirua.

CAPÍTULO NI	
THI RUNU'EN RUGUNDA NI	<p>Secretaría ruchunga kexrein siku'e ixi icha chujni sinau tsjague chjan nge nchia tangini xron nge rajna Ndaninga, ku rugunda sixi'ina.</p>

Nthi'i chrunga kain thi dikininxin tangini xroon Ndaninga.

**SINCHEKU'EN CHJAN,
THI XRA TSANGINA ARE
UTENCHEKUE'ENA
CHJAN**

- Thi rugunda senu'e ni nchekue'en chjan ku thi rugunda siku'en:
 - 1) Senu'ena, thi tangi chujni are thji nge cnhia tangixina xron nge nchia icha nui, ku jaña unchau tsjaguena chjan.
 - 2) Are utsjaguena chjan xra tsjina sikangina icha
 - 3) Nchau sikangina nge nchia icha nui xra maestria ku doctorado.
 - 4) Tsunchjian ikanxin xrun rugunda tsangina ku icha jian sinchekangina chjan.
 - 5) Sachrje na juaxraxaun ixin kain chujni jian sinthechu, kaina rente na ku jian sintheni nge xra.
 - 6) Rugunda tsjendue'eni kexrein jichunxin thi tangini xron ku rukjini ixi jaña kaini tsangini.

CAPÍTULO NUU

**THI RUNU'EN NI
TJAGUE CHJAN.**

kainxin chujni utsjexi tsangi nge chia tangi ni thjagu xron nge rajna Ndaninga, urunu'ena kain thi rugunda tsangixin xan xichjan ku xan nchrichjan xan ndasua ku xan yeye.

- Secretaría tsengijna kain nchia tjagu xron nge ni tangi nchekue'e chjan.

TÍTULO INKJAUN NCHIA TJAAGO XROON

CAPÍTULO ÚNICO

**TI RUGUNDA PA JIA
SINTHE XA NCHINCHI,**

Anto jia ke sinthe nchia tjago xroon ixi jaña tangi xa nchinchí.

Nthi'i chrunga kain thi dikininxin tangini xroon Ndaninga.

**XICHJA KU
NCHRICJAN. XA XII KU
XA NCHRII NGAI NCHIA
TJAGO XROON.**

tsje chujni tengijna ke xra ke sua nthi'i, jia sachjre xra, te ni tjago xroon de rajna ngigua ku jaña kabixu tengijna inchi xinirua tixi rajna Ndaninga.

- kai ti dunda ngai nchia thjago xroon, de nthaxintau, nthanchau, xroon, tjari'o o nchia. Kabixu ti nda nchi
- xrachra ke dua o tunchjia ngai nchia tjhago xroon. tixi de ndaninga, xula ku chujni te cargo nthi'i rajna. Kai ji'i dikininx Sistemee thi tangini Ndaninga.
- Aro kai ti dikininx ke rugunda ngai na nchia thjago xroon pa jaña jia sinthe kai ni nhe'e xra yaa kunixi xa dinthehangi. Chuntha ke jia sinthe ntha xintau ku nthanchaon ke dunda. ke sa'u dinthengangina jia se'e. ke kain chjan ku ni thjago xroon sechundana ngaa raana ti jia, ku jaña ntakua sachjretao xra ke rinanuna.
kabixu ruguntha ke ni xasenthua ru rua'a na ru kunchjia nthi'i rajana inchi nchia ke ruchunda inchi computadora ke sunthe'e xa dinthehangi xroon. ku jaña satsuan xa icha de ti u diko xa ku ti'in xa.
- Chujni te cargo ndaninga ku chujni te cargo ngai nda nchi rajnanchja chunda ke rutsjena ixi chujnina. Ni icha rugunde'e, xraa ni te ta ti ngantha rajna, ni te nga'a jna, ke chunda'a na chian na nhia tjago xroon, na nchia tuxruenxini o na ke tino sunchena pa chruja chijni.
Ke kai ni te cargo sinchexina purixi kai ni chuuna. Ku jaña singasañe'ena, ke sinche je'a chuuna.
- Rugunda ke tachrjui runichjee chuuni, ke tsjeeni ti jia pa kai chujni ku jaña jia tsuku'eni. ke jia se'e thjari'o ku sa'un ti dinthe xa tukue'e ncha'o ku ncha'o.
- Pa saku'eni kai ti jii ngai na nchia tangixini xroon, chunda ke sinku ku tsengijna chuuni, anto ni nirua te Xasenthjua, Ndaninga ku chujni ji ngei cada rajna. Jaña kabixu u dixinte kai ni jana'a ku nduda'a ke chunda chjan te tangi xroon.

Nthi'i chrunga kain thi dikininxin tangini xroon Ndaninga.

TÍTULO YAATO

THI TSUNCHJIA JIAN KU JAÑAA TSANGINI

CAPÍTULO JE'U

**TI DUNDA PA JIA
SINTHE NI KU
TSANGINI, NGEI
NDANINGA KU KAI
RAJNA.**

Sistema Educativo Estatal, chunda que rutsje'e purixi ti ncheku'ena ku tangi kanxi chjan ke tangi xroon ku jaña sangi xan ku ruxraxauxan ndue renkji pa je'e xa ke tsengijnaxa ti tsji xa ku seta xa.

La educación tendrá un proceso de mejora continua, el cual implica el desarrollo permanente del Sistema Educativo Estatal para el incremento del logro académico de las y los educandos. Tendrá como eje central el aprendizaje de niñas, niños, adolescentes y jóvenes de todos los tipos, niveles y modalidades educativos

TÍTULO JNI

THI NCHE'ENI NGEE THI THETU'AN XASENTHJUA

CAPÍTULO JE'U

**TI CHJEAXI XRA KE
NCH'E NANAA CHUJNI
NGEI THI TANGIXINI
XROEN RAJNA
NDANINGA.**

Ndi'i ndachro kai ti chunda ke sinche'e kai chujni ndaninga ke tsje'e ku xraxau purixi kai xru teni ngei naa nchia tjago xroon.

- 1) Sinche'e na jia xra pa kai xa nchinchi ke tangi xroon, ke rutjsena kabixu purixi kai ni ngigua, kai chujni ke te ngei ndaa nchii rajnachja.
- 2) Jaña kabixu ke tsengaye'ena raa ni tjago xroon ti rugunda pa jaña ndakua sachjretaon xree na.
- 3) Rutsa'ya ke kain xinirua o chujni que thetu'an ngei naa nchia tjago xroon ndakua sinche'e xree ku jaña tsunsuji ku tsu renthe ti runchro naa nchia tangixini xroon.

Nthi'i chrunga kain thi dikininxin tangini xroon Ndaninga.

- 4) Sinche ki'in ni thetu'a nui ngei xasentua ke kabixu renthe ti nu'e ku nhe'e chujni de rajna ke nichja naa ngigua. Mexinxi kabixu nchao rukjago ngei nchia tjago xroon. jaña rutjañe'a xa nchinchu ti ruchro rajnexa.
- 5) Ke sua xra inchi danchia o rugunda pa xa nchinchu ku xa icha yéeye. Ku ke ni thjago xroon ngei xte'i, xru'i sitje'ena pa jaña nchau tsjau na xroon ku runichjaye na chjan ke te tangi ku te tjhi nthi'i panda'a.
- 6) Sinche'e na jia xra pa kain ni tangi xroon

6) Ke tsurenthe'a chujni jee ke tunchenkua ku rinau tsetu'an.
- 7) Sixinthe ni chunda juachaxi thetu'an ku sinche'e na ke kai xa nchrii ku xa xii ke te tangi xroon ndakua ruxrakau chuxa ku jaña ndakua tsangi xa sinche'e xa.
- 8) Tsetu'an ku sinchechjian naa xroon ke runichja de xa tangi xroon, ni tjago xroon ku kai nchia tangixini xroon.
- 9) Rutsje'e ku tsjangi are ndaku'a suan xra ngei naa nchia tjago xroon ke ji ngei Sistemee thi tangini Ndaninga.
- 10) Rutsje'e ke kai xroon ke dunda ku tjao xa te tangi, ruchjea xroon ku siji xroon ngaa raa xan.
- 11) Nanau sathu na sitsje'e na ke jia sinthe nhia dinthe kangixi kai chjan. Ke xru'in sitje'en nchia.
- 12) Sendana ku saku'ena ke xru'i tsu'en xa dinthekeji tangi xroon.
- Kain chujni ke thetu'an, chunda ke ndakua sinche'e na ku runichjayeena kai chujni, icha pa ixi ni dantu'a chunda ku antu tangi dikjee na ti dunde'ena o ti jinenna, jaña kabixu chru'a tuncheena ngei naa nchia tjago xroon.

Nthi'i chrunga kain thi dikininxin tangini xroon Ndaninga.

- Inchi nthi'i ruchro sinche'ena:

- 1) Ke tsetu'an ku sinche'e ke kain chujni ndakua ruxrakau chuuna ku jaña nhau tsenginajnanxina tummi aru pa kanxi na je'a ju'u kiaja'ina.
- 2) Ke sinche thua o tsengijna, ni ndu'a chjan dinthekangi xroon kunixi lunthu ku ndaa nchii ti dunda pa tangixi xan xroon.
- 3) Tsengijna ka chjan ke ta bithuenua xa, ixi i ku'a ninaa ni thu'a xan. ke tsengijna kabixu chjan ke ni'i naa ni ndu'a xa ku mexinxi chru'a daku'en xa ku ru'a na xan pa tsangi xan xroon.
- 4) Tsengijna kai chujni are nu'e na o chunxi'ana thinu tsjina are chruja chijni detana. Ni thetu'an icha nui chunda ke siku purixi ni rajna. Ku tsjanu'a chuuna.
- 5) Tsengijna, ke kai ti xa anto jia te thji'i o icha nu'e de kai xa xrakau xa ngei ti dinthe kangi xa xroon, ke sachjre tsji xa sigatsuan xa kjin tanto de nthi'i xasentua o ta thi ngei ni chaxra.
- 6) Sinche'e ke nchau tsangini xroon, kunixi naa nchia tjagu xroon ju'u kiaja'i ncha'u o ke tsji'a ni, ni naa ncha'u, ju'u de kjin tsangixini.
- 7) Ru ru'a tsunchjia inchi nchia tsangixi xroon xan nchinchi, ti nchau sinthekji xan kai ncha'u de inkjau a jni thi xrachu'a.

TÍTULO NAA

THI CHAON RUGUNDE'E THI TANGINI XROON.

Nthi'i chrunga kain thi dikininxin tangini xroon Ndaninga.

CAPÍTULO JE'U

THI CHAON RUGUNDA PA TSANGINI JIAN.

Chujni ke tetu'an ngei xasentua ku ndaniga chunda ke rutsje'e ke rugunda ngei cada nchia tjago xroon ku jaña xru'in sitje'en.

- Chujni ke tetu'an ngei ndaniga rutsje'e ka'i dunda de tummi pa cada nchia tjago xroon ku jaña tsunchjea tummi pa kai ti dunde'e nchia tangixini xroon pa tachjrui se'e ku xru'i sitje'en nchia, tummi ya kabixu sunda ixi are kua'a chrua ke sunde'e xa dinthekangi.

TÍTULO THE

THI SINCHÉ'E KAIN NI RAJNA PA TSENGIJNANXINI NI NCHEKUE'E CHJAN

CAPÍTULO NA

TI SINCHÉ'E NI JANA'A, NI NDUDA'A KU KAI CHUJNI.

Kai ji'i sinche'e ni chunda o dayaku'en chjan ke dinthekji tangi xroon. Son derechos de quienes ejercen la patria potestad o la tutela.

Sanchia na ke xe'ena setaxi ngei naa nchia tjago xroon ku jaña nchau tsji xan tsangixan.

- 1) Chunda ke kai nindu'e xa tji tangi xroon, tsunche na ku tsengina na ti tsetu'e na ni thetu'a ngei nchia tjago xroon.
- 2) Tsengijna na ngei kai ti rugunda ngei chia tangixini xroon kunixi ni tjago xroon ngei xa nchinchi.
- 3) Sinthe na sinhe'e na xra are sinchie chuuna, ngei nchia tjago xroon.
- 4) Rutsje'ena ku runichjayeena xe'ena are chruja que takua nche'e xan. Jaña kabixu tsengijna na xan ngei xra ke dithu'e xa ixi ni tjaguexa.

Nthi'i chrunga kain thi dikininxin tangini xroon Ndaninga.

CAPÍTULO YUO

CHUJNI KE CHUNDA KE SIKU KE KAI NDAKUA SE'E .

Kai ni tetu'an ngei nchia tjago xroon chunda ke sinche ki'in na kai chujni ke sixinthena ngei ti chunda ke sinku pa tsangi xe'e na xroon ku jaña ndakua sinthe na.

CAPÍTULO NII

ICHA NI NCHEXRA.

Kai chujni ke sinchekjexi tsangi xroon ku ji ke sayee ina xree, chunda ke sinche'e xra sinke ruxenge'e na ngei nchia tjago xroon o nchia thengijna chujni, ku are tsje'e na, unchao sayee na xroon ti ruchro ke binche kjexi kuangi na.

CAPÍTULO NUO

THI SINCHÉ'E KAIN THA TSJACHIA.

Ni thetu'an ngee Ndaninga, sinchesujina kain ntha tsjachia tsunsujixin thi tangini, kunixin ji'i ruxire tsje proyecto thi ruchjekexin tsje thi thi nu'en ni rajna ngui nunthe Ndaninga, are ruchjea ya sunda tenajni ku kain ngigua chjaga'an.

TÍTULO THE NA KAIN THI TSANGINI CHUNDA KE SINCHÉ RENTHENI

CAPÍTULO JE'U

TI NCHAU SINCHÉ'ENI PA JAÑA TSURENTHÉ

Kai ti tsangini chunda ke sinche rentheni ngei kexe'u ke tinu tsjini je'a ju'u ngei rajneni.

Nthi'i chrunga kain thi dikininxin tangini xroon Ndaninga.

**KAI TI TANGINI NGEI
NCHIA TJAGO XROON.**

- Ni tetu'an ngei nchia tjago xroon kuntuixi ni tetu'an ke te ndaninga, chunda ke saju naa xroon are kexe'u chujni sinchekjexi tsangi ngei naa nchia tangixini xroon. ku xroon yaa xroon runichjaxina ku sinche renthena xra chujni.

TÍTULO THE YUO

NCHAU TSJAGONA XROON CHUJNI KE CHUNDA'A KE SIKON NGEI NI THETU'AN NDANINGA

CAPÍTULO NA

TI SINCHÉ'E NA.

Nchau tsjago na xroon chujni ke chunda'a ke siku ngei ni tetua'a ndaninga, aru are sinchekjexi ku tsunchjeana xroon, xroon ji'i chunda ke sathu xroon sa'o ngaa raa ni tetu'a ngei ndaninga.

CAPÍTULO YUO

**CHUJNI KE SINAU U JEE
SINCHÉ'E XRA, U JEE
TSJAGO XROON.**

Kai chujni ke tetuan ku sinche renthe ti kuangi chujni ngei naa nchia ujee, chunda ke tsingaria ku sithje'e a ku jaa ndakua tenche'e na xreena, je'a nanau aru jaa kara nakua nthia ixi nanu.

CAPÍTULO NII

**CHUJNI KE THENGIJNA
KE TSUNCHJIA XROON
KE XRANCHIA NGEI NAA
NCHIA TANGIXINI
XROON.**

Are chruja ni rundachro ixin ndakua'a jichro chruja xroon dikangixin chujni ngee kexeun nchia tagixini xroo, thi ni xruen are ts'ina yaa, nchao sichruna je thi ra'un nchaon.